

trinitas

Baie welkom by Trinitas!

*Ons sien onself as 'n verlose familie van diensknegte wat gestuur is.
Ontdek saam met ons wat dit vir jou en Vanderbijlpark beteken!*

1 Verlos

SONDAG 14 JUNIE 2015

OGGEND 09:00

Klassisruildiens: Welkom aan dr. Deon Lartz van Edenvale wat die oggenddiens lei.

Selfbeheersing help Josef om sy lewe skoon en rein voor die Here te hou

Teks: Genesis 39

AAND 18:00

Gehoorsaamheid in die familie

Teks: Deut 5:15; Rom 13:1-7

Oorsig:


Ons lewe in 'n tyd waar mense maklik self besluit wanneer hulle vir gesag gaan luister en wanneer nie. Alles van formele landswette oor bv. *e-toll* belasting, algemene samelewing-etiket oor sake soos rusverstoring en rommelstorting tot ook afsprake met mekaar in kleiner kringe soos bv. oor parkering in die parkeerarea van jou werk. Mense is vinnig om hulself te regverdig as hulle hierdie gesag verontagsaam... en as hulle deur ander se ongehoorsaamheid geraak word ewe vinnig om dan te veroordeel. Hoe dink 'n geloofsfamilie onder Jesus se gesag hieroor en hoe is hierdie aspekte 'n geleentheid om Jesus bekend te stel in Vanderbijlpark?

Preke beskikbaar in klank en teks by: www.gktrinitas.co.za

PROGRAM VIR DIE WEEK

Vrydag 19 Junie
Manne-oggend 05:45

Gedagte



2 Familie

LIEF EN LEED

Dink in jou gebede aan hierdie lidmate:

- Charlene Visser (0825188432) sterk tuis aan na haar mangeloperasie.
- Dawid du Plessis (0833040977) is steeds onder sedasie in Emf. Medi-Clinic.
- Theuns Odendaal (0833051373) het Donderdag 'n klein operasie ondergaan.
- Chrissie Nel (0722099795) was in 'n motorongeluk betrokke, maar sy is darem ongedeerd.
- Bokkie Coetzee (0843906426) gaan op 9 Julie vir 'n knieervanging in Emf. Medi-Clinic.

Laat weet asb. die kerkkantoor van siektes, swaarkry, asook van vreugdes.

VERJAARSDAE: HARTLIK GELUK!

14/06	Jacques Gericke	☎0832761836
14/06	Sylvia Maree	☎0832922827
14/06	Anne-Mari vd Schyff	☎0828228558
15/06	Mathilda Erasmus	☎0723931692
15/06	Rennie Kruger	☎0823963661
15/06	Jan Swanepoel	☎0828422592
16/06	Anton Olckers	☎0723192876
16/06	Alisha Plaatjies	☎0790804865
17/06	Loané Buys	☎0833760426
17/06	Trudie Hitge	☎0834861397
18/06	Koekie Campher	☎0827105555
18/06	Angelika Thompson	☎0734400245
19/06	Marie Coetzee	☎0836961283
20/06	Henna du Preez	☎0169814538

SPESIALE VERJAARSDAE

Geen.

HUWELIKSHERDENKINGS

16 Jun. Cornel en Chrisna Campher, 8 jaar.

17 Jun. Martin en Anna de Klerk, 48 jaar.

18 Jun. Chris en Bets Kruger, 49 jaar.

19 Jun. Wimpi en Lorette Pieters, 22 jaar.

ATTESTATE/BEWYSE

Word afgekondig.

BYBELSTUDIE

Woensdagoggende om 09:00 by die kerk.

(Reeds afgesluit vir die kwartaal.)

Dinsdagaande om 19:00 (Carterstraat 16).

NUWE LIDMATE

Die diakonie is aan die stuur van die Nuwe Lidmate-diensgroep. By die Welkomhoekie in die saal is 'n boek waarin jy al jou besonderhede kan aanteken.

HUISBESOEKVORMS

Indien jy graag huisbesoek wil ontvang van 'n ouderling, diaken of predikant, **voltooi die huisbesoekversoekbriefie wat by die deure beskikbaar is** en plaas dit in die kerkkantoor se rakkie of Die **Helper** se kassie by die kerk se hoofingang.

3 Dienskneg

ORRELBEGELEIDING

09:00 – Nannes vd Walt

OUDERLINGE AAN DIENS

14/06 – Dewald Pieters en Chris Vermaak

DIAKENS AAN DIENS

14/06 – Michiel J v Vuuren en Hennie Smit

KOSTER AAN DIENS

14/06 – Elsa

21/06 – Theuns

DATABORDDIENS

Behartig deur die Tegnieese span.

KOLLEKTES

Onder die erediens vir die Diakonale Kas

14/06 – Instandhouding van erediens

21/06 – Jan Kriel Instituut

ONTVANG DIE PREEKTEKS PER E-POS

Stuur op Maandae 'n blanko e-pos na **preek@gktrinitas.co.za**. (Jy moet elke keer wat jy die preek wil hê 'n e-pos stuur). Die stelsel sal self binne 60 sekondes die preekteks vir jou aanstuur. Dis ten volle outomaties en werk 24/7. Kontak Hans van Wyk, 0828111990, vir inligting (*Preektekste sal Sondag na 12:00 op ons webblad beskikbaar wees*).

OPNAMES VAN EREDIENSTE OP CD

Indien jy 'n opname van 'n preek wil hê, kan 'n versoek aan die kerkkantoor of Hennie Smit, 0711063978, gerig word.

GEHOORAPPARATE

Gehoorapparate kan Sondagoggende agter in die kerk onder die trap gekry word.

BYBELS EN PSALMBOEKE

Maak gerus tydens die erediens gebruik van die Bybels en Psalmboeke op die tafel in die voorportaal. Lidmate wat wil, kan

nog Bybels en groen Psalmboeke skenk en op die tafel plaas vir erediensgebruik.

TEESKINK

Geen tee vanoggend nie, dis langnaweek. Sondag 21 Junie skink Theuns Odendaal, dis dan ook die laaste teeskinkbeurt vir die kwartaal. **Anette van der Walt, 0845334548, is die sameroeper van hierdie diensgroep.**

KLEUTERKERK

Kleuterkerk vind Sondagoggende saam met katkisasie plaas in die eerste klaskamer. Alle kleuters van 2-6 jaar is welkom. Mammies van tweejariges kan dit saam bywoon. Kontak Louise Venter, 0833022716, indien jy geroepe voel om deel te vorm van die Kleuterkerkspan.

DR. FRANS MINNIE

Dr. Frans Minnie (pastorale berader) is op **Maandae** beskikbaar by die kerk **slegs vir lidmate van Gereformeerde gemeentes**. Kontak die Kerkkantoor vir afspraak. Donasies kan inbetaal word by: FNB Tjekrekening No: 621 843 512 04, Takkode: 250-945.

KRUIDENIERSWARE BENODIG

Indien jy 'n bydrae wil maak, kan jy volgens die onderstaande lys aankoop: Suiker, pasta, bullybeef, koffie, tee, soja maalvleis, grondboontjebotter, Pilchards vis, konfyt, melkpoeier, sout, bakedbeans, tamatie- en uiesmoor, blikkies gemengde groente, pakkies sop, rys, koekie Sunlight seep, toiletseep, toiletpapier, sjampoe, tandepasta, tandeborsels en waslappie. **(Plaas alle skenkings in die groot houer**

in die saal naby die kombuis – Ons waardeer alle hulp opreg. (Diakonie.)



DIE HELPER is 'n *diens* wat praktiese hulp met klein takies in en om die huis bied vir lidmate wat nie self daarmee kan regkom nie. Dit is tipies bedoel vir lidmate wat bv. verswak het, bejaard is of dames wat enkellopend is. Neem gerus die vrymoedigheid om gebruik te maak van **Die Helper**. Vir hulp of raad, los 'n briefie in die houtkis in die voorportaal of kontak André Smith 0844627830 of Lozanne Roos, 0823353539.



Gestuur

ONDERSTEUNING VIR MADAGASKAR

"Naina en Fafa is sendelinge in Madagaskar wat ons ondersteun. Hulle het pas begin met hulle Bybelskool! Bid asb. vir hulle volharding en ander behoeftes met so 'n nuwe projek." Op *Facebook* "Naina, Fafa and Mirado". Indien jy 'n bydrae wil lewer: Aksie Uitreik, ABSA, rek no. 9055971748.

HERWINNING

Die Here stuur ons om sy Skepping op te pas omdat dit Hom ook vir die wêreld wys. Kom laai gerus jou sak herwinbare materiaal af, daar is 'n werker wat dit sal sorteer, maar daar is ook instruksies wat presies sê wat in watter houer gegooi kan word. Moet asb. nie inkopiesakke bring nie, dit word nie opgelaaie nie en lê dan rond. (Oortollige inkopiesakke kan aan die

diakonie of aan die kospakke-diensgroep geskenk word.) Sakke met herwinningsmateriaal kan Maandae tot Vrydae tydens kantoorure of Sondae voor en na die eredienste afgelaai word by die herwinningsarea agter die katkisasie-lokale. Kontak Maureen van Helden, 0823922093.

PIKININI BREIPROJEK

Donasies vir die projek kan in die groot houer in die saal geplaas word (waarin kosskenkings aan die diakonie ook geplaas word). Kontak Jackie Kleynjan, 0833814020.



Kontakpersoon:
Hardus Visser,
0828215642.



BELANGRIKE DATUMS VIR JUNIE

- 16 Junie, Jeugdag
- 26 Junie, Skole Sluit

GKSA NUUS

OP DIE KENNISGEWINGBORD

- FEBA Radio
- Geopende Deure; opendoors.org.za
- Kruispad nuus
- Transoranje Nuusbrief Junie
- Instituut vir Christelike Onderwys Nuus
- Konferensie oor Opbou en Uitbou van die Kerk - GK Brooklyn, 20 Junie.
- GK Wapadrant se openbare getuienis
- Brief Deputate Kerkgroei-bediening

KRUISPAD

Kruispad is die jeugtydskrif van die GKSA (www.kruispad.net). Dit bied toerusting aan jong, groeiende gelowiges om ingeligte keuses te maak wat tot geloofsgroei kan lei. Koste: R116 (gedruk)/R85 (elektronies). Stuur 'n e-pos aan kantoor@kruispad.net indien jy wil inteken of 'n artikel wil skryf.

FAMILIE-PROJEK

Ons is baie bly oor die groot reaksie op die voorgestelde nuwe "Familie-projek"! Ons beplan gemaklike sitruimte, skadu teen die son en 'n speelarea vir die kinders. Die oorhoofse doel is om vir die nuwe oplewing in die gemeente sou gou as moontlik 'n gemaklike omgewing te gee om verder wortel te skiet. Dit gaan oor die nodigste fasiliteite wat dit vir almal lekkerder maak om langer te kuier en ons verhoudinge met mekaar te bevorder. Ook om besoekers gasvry te ontvang en maklik te laat inskakel. Die projek val daarom saam met ons kwartaaltema "Familie".

Ons wil vra dat as lidmate enige voorstelle het hoe ons die projek kan verbeter, hulle met Hardus Visser of enige ouderling sal gesels. Daar is reeds die basiese projekbuitelyne wat die nodigste wil regkry op die mees bekostigbare manier wat die kerkraad kon bedink. Daar is allerhande uitdagings om te oorweeg soos stormwaterafvoer, behoud van veeldoeligheid van die grasperk, toegang tot katkisasielokale, nut vir alle seisoene en dan ook bekostigbaarheid. Natuurlik is daar altyd ruimte vir verbetering en ons hoor graag almal se insette. As daar iets is waarvoor iemand

dalk bekommerd mag wees, moedig ons hulle aan om navraag daarvoor te doen of dit onder ons aandag te bring. Ook om jou hulp en kundigheid aan te bied, as jy dink jy kan help.

Ons wil graag as familie hierdie projek saam aanpak tot bevordering van ons roeping en Jesus eer in die manier waarop ons dit doen. Kom ons deel ons gedagtes en gawes vir hierdie verdienstelike projek!

Familie-groete: Griffel

SUSTERSGELDE

Baie dankie aan die dames wat steeds sustersgelde betaal. Ons wil dit net weereens noem dat die bydraes in die Gasvryheid-diensgroep se rekening betaal word, aangesien die susters se take nou deur verskillende diensgroepe verrig word. Bydraes is dus nie meer betaalbaar nie, maar welkom indien jy nog wil.

MEDEWERKERS

Dankie vir die lidmate wat reeds hul name opgegee het. Iemand sal jou binnekort kontak. Die wykslyste is in die saal teen die wit muur opgeplak en die betrokke ouderling word daarop aangetoon. Kontak gerus jou ouderling of Alan Brotherton, 0834685243, met enige vrae.

AANDBYEENKOMS

Daar sal geen aandbyeenkomste in die komende vakansie wees nie.

KERKKANTOOR GESLUIT

Neem asseblief kennis dat die kerkkantoor gesluit sal wees vir die wintervakansie vanaf 26 Junie en weer sal open op 20 Julie.

GETUIENIS TEENOOR DIE REGERING

Hierdie brief is deur die GKSA tesame met die NGK en NHK aan die regering gerig:

TUSSENKERKLIKE RAAD (SEDERT 1943)

OPE BRIEF AAN DIE ANC

1 Junie 2015

Geagte mnr Mantashe en lede van die ANC-leierskap

Insake die ANC-uitnodiging tot gesprek op 9 Junie 2015

Die Nederduitse Gereformeerde Kerk (NGK), Nederduitsch Hervormde Kerk van Afrika (NHKA) en die Gereformeerde Kerke in Suid-Afrika (GKSA) het kennis geneem van u uitnodiging om op Dinsdag 9 Junie 2015 met die leierskap van die African National Congress (ANC) in gesprek te tree. Ons het daarvan kennis geneem dat die uitnodiging ook aan ander Afrikaanse burgerlike organisasies gerig is. Die drie Kerke het besluit om nie individueel op die uitnodiging te reageer nie, maar wel gesamentlik deur middel van die Tussenkerklike Raad (TKR). Sedert 1943, met die totstandkoming van die Interkerklike Kommissie, is die NGK, NHKA en GKSA formeel met mekaar in gesprek. Die eenheid wat tussen die Kerke bestaan, word sigbaar in gestruktureerde samewerking op verskillende terreine, onder andere in ons openbare getuienis. Sedert 2004 word die Kerke se gesamentlike optrede en getuienis deur die TKR gekoördineer. Alhoewel 'n baie groot deel van hierdie drie Kerke se lidmate uit Afrikaanse en blanke lidmate bestaan, het ons ook lidmate uit ander taal-, kulturele en etniese gemeenskappe. Ons is nie maar net deel van die Afrikaanse burgerlike samelewing nie. Die

TKR het na ontvangs van u uitnodiging by verskeie geleenthede besin oor deelname aan die gesprek.

Ons is diep bewus van die kerk se profetiese roeping. Die kerk móét getuig van die versoening in en deur Jesus Christus en die implikasies daarvan vir die Suid-Afrikaanse samelewing, onder andere die handhawing van reg, geregtigheid en menswaardigheid. Daarom het die TKR aanvanklik besluit om die uitnodiging tot gesprek te aanvaar. Die jongste verwikkelinge rondom die Nkandla-verslag het die TKR genoodsaak om sy deelname aan die gesprek van 9 Junie te heroorweeg. Die misbruik van regerings-instellings om die persoonlike verryking van pres Zuma vanuit openbare fondse te kondoneer en hom van persoonlike aanspreeklikheid te vrywaar, is na ons mening immoreel en bevorder sistemiese korrupsie in staatsinstellings. Die ANC se gebrek aan morele leierskap met dié aangeleentheid bemoeilik die komende gesprek, omdat die TKR slegs op grond van bepaalde morele uitgangspunte met u in gesprek sou kon tree. Wedersydse erkenning van basiese morele uitgangspunte is na ons mening noodsaaklik vir enige toekomstige gesprek tussen die ANC, kerke en burgerlike organisasies. In die lig hiervan het die TKR besluit om nie u uitnodiging tot gesprek te aanvaar nie. Die TKR is diep verontrus oor die morele ineenstorting wat die afgelope tyd toenemend in staatsinstellings sigbaar word. Die TKR is verder bekommerd oor die ANC-regering se onwilligheid om die morele krisis met konkrete handelingte aan te pak.

Voorbeelde wat die huidige moraliteitskrisis illustreer, is die volgende:

- Xenofobiese uitsprake teenoor minderheidsgroepe in Suid-Afrika, onder andere wanneer ANC-leiers na sulke groepe verwys as 'the other', 'colonialists of a special kind' en 'die oorsaak van al die probleme in Suider-Afrika sedert 1652'.
- Uitsprake van ANC-leiers ondermyn grondwetlike meganismes soos die Openbare Beskermer.
- Minagting van uitsprake van die hof bring die onafhanklike funksionering van die regbank en die bestaan van Suid-Afrika as 'n regstaat in die gedrang.
- Politieke inmenging en magsmisbruik in burgerlike organisasies en semi-staatsinstellings is aan die orde van die dag.

Die TKR is diep verontrus oor ANC-uitsprake wat die gesag van die Grondwet van Suid-Afrika, ingeslote die Handves van Regte, ondermyn. Die huidige morele krisis lei tot 'n gebrek aan inklusiewe taal en sosiale kohesie, die stelselmatige agteruitgang van infrastruktuur, toename in rassekonflik, sistemiese korrupsie en swak administrasie wat onder andere die lewering van maatskaplike en ander dienste aan die armstes van die armes ernstig benadeel. Die TKR beplan om die gesprek oor moraliteit en integriteit met ander kerke in Suid-Afrika, ekumeniese liggame asook burgerlike organisasies voort te sit en hulle op te roep tot mobilisering in dié verband.

Die TKR sou bereid wees om met die ANC in gesprek te tree indien bogenoemde sake 'n wesenlike deel van die agenda sal uitmaak en die gesprek *met ons as Kerke* plaasvind. Ons wil u graag in dié verband uitnooi.

Vriendelike groete

Prof. Nelus Niemandt en dr. Kobus Gerber namens die Nederduitse Gereformeerde Kerk

Dr. Wim Dreyer en ds. Leon Geel namens die Nederduitsch Hervormde Kerk van Afrika

Ds. Cassie Aucamp en prof. Nico Vorster namens die Gereformeerde Kerke in Suid-Afrika.

KONTAK ONS

www.gktrinitas.co.za



GKTrinitas

Kerkkantoor:

Elsabé Muller

☎ 0169825017 / 0724874258

kantoor@gktrinitas.co.za

Faks no.: 086 219 5728

Kerkkantoortye:

Maandag tot Donderdag

Tye: 08:00 tot 13:00

Vrydae: 08:00 tot 12:00 (Nuusbrief)

Skriba:

Gerrit van Wyk 0823328550

Kosters:

Theuns Odendaal 0832561387

Elsa Prinsloo 0794778699

Orrelis:

Nannes van der Walt 0833041841

Bankbesonderhede van kerk:

Rek. naam: Geref. Kerk Vanderbijlpark
Trinitas

ABSA Tjekrekening 530340449

Predikant:

Griffel van Wyk

☎ 0169324615 / 0823543726

Adres: Ogilviestraat 6, SE2

Vanderbijlpark

e-pos: griffel@gktrinitas.co.za

